



MAU'IZAH موعظة

BAHAGIAN HAL EHWAL ISLAM

2



• MAUIZAH
موعظة
BAHAGIAN HAL EHWAL ISLAM

SIRI 7 / 2021



TAJUK : TADABBUR SURAH AL-WAQIAH

PENCERAMAH :
USTAZ HAJI MD IDRIS ABDULLAH
PENGAWAI HAL EHWAL ISLAM KANAN

#BahagianHalEhwalIslamUITMShahAlam
#MasjidUITMShahAlam
#MasjidNadiKeimananUniversiti

Tadabbur

سُورَةُ الْوَاقِعَةِ

Pengenalan

Surah ini adalah surah ke-56 dalam Al-Quran terletak pada juzuk ke-27 dan mengandungi 96 ayat. Surah Al-Waqi'ah adalah surah Makkiyah.

Surah ini diturunkan selepas surah Taha dan dinamakan dengan Al-Waqi'ah yang bermaksud hari kiamat. Perkataan Al-Waqi'ah diambil pada ayat pertama dalam surah ini.

Surah Al-Waqiah menerangkan tentang hari kiamat, balasan yang diterima oleh orang-orang mukmin dan orang-orang kafir. Selain itu Surah ini juga menerangkan tentang penciptaan manusia, tumbuh-tumbuhan dan api, sebagai bukti kekuasaan Allah SWT dan adanya hari pembalasan.

Kelebihan

1. Di antara kelebihan membaca surah al-Waqiah seperti yang diceritakan oleh Ibnu Mas'ud RA:

Barangsiapa yang membaca surah al-Waqiah pada setiap malam, maka ia tidak akan ditimpa musibah kefakiran selamanya.

Lihat *al-Jamie' al-Soghir*, al-Suyuti (12546)

Kelebihan


2. Imam al-Syaukani di dalam tafsirnya menukilkan sebuah hadis yang dikeluarkan Ibnu Asakir, daripada Ibnu Abbas RA Sabda Nabi SAW:

Surah al-Waqiah merupakan surah kekayaan, maka bacalah ia, dan ajarilah ia kepada anak-anak kamu.

(Lihat *Fathu al-Qadir li Syaukani*, 5/176)

3. Selain itu, Dr Wahbah Zuhaili menukilkan sebuah hadis yang menceritakan tentang kelebihan surah al- Waqiah dengan menyatakan, daripada Abu Zibah berkata ketika Abdullah bin Mas'ud sedang tenat dan nazak, lalu Saidina Osman bin Affan RA menziarahinya dan bertanya berkenaan peninggalannya kepada anak perempuannya, maka Ibnu Mas'ud berkata:

"Apakah engkau risau akan putri-putriku menjadi fakir? Sesungguhnya aku telah memerintahkan putriku untuk membaca surah al-Waqiah pada setiap malam kerana aku telah mendengar Rasullullah bersabda: "Barangsiapa yang membaca Waqiah pada setiap malam, maka ia tidak akan ditimpa musibah kefakiran selama-



إِذَا وَقَعَتِ الْوَاقِعَةُ ۖ لَيْسَ لَوْفَعَتِهَا كَاذِبَةٌ

Maksudnya : *“Apabila telah terjadi peristiwa besar itu. Tidakkah akan terjadinya itu dapat didustakan.”*

Tafsir ringkas:

1. Allah SWT menyebut : “Apabila telah terjadinya peristiwa besar. Al-Waqi’ah atau ‘Peristiwa Besar’ yang dimaksudkan dalam ayat ini adalah hari Qiamat.
2. Kalimah Al-Waqi’ah yang digunakan sebagai nama surah ini adalah salah satu dari nama-nama hari Qiamat. Kalimah (الواقعة) diambil dari kalimah asal (وقع) yang bermaksud ‘berlaku’, ‘pasti’. Ianya digunakan sebagai nama lain bagi hari Qiamat kerana hari Qiamat itu pasti terjadi dan pasti ada. Tidak dapat tidak, ia pasti akan berlaku. Cuma kita sahaja tidak tahu bilakah masanya ia akan berlaku.
3. Dalam Al-Quran, hari Qiamat mendapat pelbagai nama. Antaranya, **Al-Haqqah** (yang sebenarnya), **Az-Zilzaal** (gempa bumi besar), **Al-Qari’ah** (peristiwa besar). Mempercayai dan meyakini hari Qiamat juga adalah rukun iman yang kelima.

4. Seterusnya Allah SWT menegaskan bahawa kepercayaan terhadap peristiwa terjadinya hari Qiamat adalah sesuatu yang tidak dapat dinafikan. Kalimah (كَاذِبَةٌ) boleh bermaksud 'penolakan'. Maksudnya bila ia sudah mula berlaku, ia tidak akan dapat ditahan lagi. Ia pasti akan terus berlaku.
5. Dari segi logik akal, kewujudan alam ini bermula daripada tiada kepada ada. Setiap yang baru akan menjadi lama. Yang lama pasti rosak dan musnah. Begitu jugalah alam ini pasti akan hancur dengan berlakunya hari Qiamat.



حَافِظَةٌ رَافِعَةٌ

Maksudnya : “(Kejadian itu) merendahkan (satu golongan) dan meninggikan (golongan yang lain)”

Tafsir ringkas:

حَافِظَةٌ

Allah hendak memberi balasan kepada mereka yang engkar semasa hidup di dunia. Iaitu mereka yang engkar kepada perintah Allah. Mereka ini akan dimasukkan ke dalam neraka dan kedudukan mereka akan direndahkan dengan serendah-rendahnya.

رَافِعَةٌ

Dan ada puak yang lain yang akan diangkat kedudukan mereka supaya dimasukkan ke dalam syurga. Mereka itu boleh dinaikkan tinggi sampai ke tingkatan Syurga Naim walaupun dulu mereka semasa di dunia adalah orang-orang yang rendah miskin hina dina. Ini adalah kerana mereka taat kepada perintah



إِذَا رُجَّتِ الْأَرْضُ رَجًا ۖ وَنُسَّتِ الْجِبَالُ نَسًّا
فَكَانَتْ هَبَاءً مُتَّبِنًا

Maksudnya : "Apabila bumi digoncang sedahsyat-dashyatnya, Dan gunung-gunung dihancurkan sehancur-hancurnya, Maka, jadilah ia debu yang berterbangan".

Tafsir ringkas:

1. Ayat-ayat ini menggambarkan keadaan hari Qiamat bila mana bumi ini akan digoncang sedahsyat-dahsyatnya. Kalau diumpamakan dengan gempa bumi berskala tinggi dan tsunami sekalipun, ia tidak dapat menyamai kedahsyatan hari Qiamat.

2. Kedahsyatan guncangan bumi menyebabkan gunung gunung runtuh dan hancur. Kalimah (نَسًّا) juga digunakan apabila merujuk kepada tepung yang diuli. Ia sudah cukup membayangkan betapa akan sampai masanya gunung terpecah dan hancur menjadi debu setelah diuli, dipusing ke atas dan ke



3. Ibnu Abbas, Mujahid, Ikrimah, Qatadah dan lain-lain ulama' menggambarkan bahawa gunung-ganang pada hari itu dihancurkan sehancurnya dan menurut Ibnu Zaid, gunung-ganang ini digambarkan menjadi seperti tompokan pasir yang berterbangan.

4. Akhirnya gunung-ganang itu akan tercabut daripada paksinya dan pecah. Ia bukan sahaja pecah, bahkan akan hancur menjadi debu berterbangan (مُتَبَيِّتًا) kerana diterbangkan dan dihamburkan oleh angin seperti kapas yang ditiup angin. Begitulah gambaran betapa teruknya hari Qiamat nanti.

5. Abu Ishaq menceritakan daripada Al-Harits, daripada Ali RA bahawa gunung-ganang akan menjadi seperti debu-debu yang dihamburkan, naik dan kemudian hilang. Tiada yang tersisa daripadanya.



وَكُنْتُمْ أَزْوَاجًا ثَلَاثَةً

Aṣḥābūl
Ṣyīmāḥ

3 Golongan
selepas Qiamāt

Aṣḥābūl
Yāmin

Aṣ-Ṣābiqūn

Aṣ-Ṣābiqūn

Mereka juga digelar dengan al-muqarrabun yang diambil dari kalimah (قرب) iaitu dekat. Maka al-muqarrabun di sini ialah golongan yang didekatkan di sisi Allah. Di Mahsyar nanti, mereka duduk dekat dengan Allah sebagai penghormatan untuk mereka. Di dunia mereka berusaha mengamalkan tauhid dan ajaran sunnah. Bahkan mereka juga adalah golongan yang sering berlumba-lumba dan bersegera dalam melaksanakan perbuatan baik yang diperintahkan ke atas mereka. Mereka juga melalui pelbagai rintangan dan kesusahan untuk mengamalkan ajaran Islam dan kerana itulah Allah memberikan kedudukan yang tertinggi buat mereka





Aṣḥābūl Yāmin

Golongan ini adalah mereka yang menerima kitab amalan mereka dengan tangan kanan. Mereka ini masih lagi golongan orang mukmin tapi kedudukan mereka di bawah kedudukan golongan yang pertama tadi.



Aṣḥābūl Šyīmāl

Golongan kiri ini adalah golongan orang yang sesat lagi mendustakan. Mereka sesat kerana mereka mendustakan kebenaran iaitu mendustakan al-Quran, menolak al-Qur'an dan juga hadis. Mereka juga mendustakan orang yang datang bawa kebenaran dari kalangan para rasul, anbiya' dan pendakwah yang benar. Akibat kesesatan dan pendustaan tersebut, mereka akan diseret ke dalam neraka dan dihidangkan dengan sajian khas untuk golongan kiri dan dipaksa untuk memakan buah zaqqum.



Pengajaran

1. Sesungguhnya Al-Quran itu benar, nabi dan ajarannya benar, Qiamat itu benar. Maka yakinlah bahawa beriman kepada apa yang ada di dalam Al-Quran benar-benar mengarahkan perilaku manusia kepada jalan yang benar. Tidak ada satu undang-undang pun yang dibuat manusia, mampu menjadikan perilaku manusia lurus dan istiqamah sebagaimana yang dihasilkan oleh iman kepada Al-Quran dan Hari Qiamat.
2. Dengan sekeping iman di dada dan sebuah Al-Quran yang Allah kurniakan kepada kita, maka jagalah nikmat ini sebaik-baiknya dengan :

i. Sentiasa bersikap hati-hati sehingga mendorong kita untuk selalu taat kepada petunjuk agama dan sedar akan batas kesenangan hidup di dunia.

ii. Terus memperbaiki kualiti kebaikan, samada berbakti kepada Allah, kepada orang tua, dan sesama manusia lain. Tidak iri terhadap kenikmatan yang didapat oleh orang lain.

iii. Sentiasa menyedari bahawa kehidupan akhirat setelah kematian merupakan tujuan manusia hidup di dunia ini. Oleh yang demikian ia mengingatkan kita bahawa kehidupan dunia adalah ladang kehidupan akhirat, jambatan untuk menuju ke alam akhirat, sehingga menghindarkan kita daripada sifat mazmumah, rakus, kikir, dan tamak.



Sila scan Kod QR untuk mengakses ceramah Tadabbur Surah al-Waqi'ah



UNIVERSITI
TEKNOLOGI
MARA

Bahagian
Hal Ehwal Islam

UNIT PENDIDIKAN DAN BIMBINGAN
BAHAGIAN HAL EHWAL ISLAM
PEJABAT NAIB CANSOLOR
UNIVERSITI TEKNOLOGI MARA